



## Ina ña nī chaaga ve'e

Taji'na chīyo iin ina ya'a ña jakua kua'nu, nduva'a vii ndu'u ri ta vii tacha ma ixi ri, ña chūnani Tovi. Ndisaa ma ñivi ìyo ma nuu ìyo ri nduva'a kùuni ndia nde'e ndia ri, ti nduva'a sii kùuni ri chakunuu ri ta töve xaan ri chi'in ma nī'iin ma ñivi, ta nduva'a vii kùmi ri ma ve'e kua kùmi iin ra vali ndatiñu chàsiki ra.


Ma ra kùu chito'o ri jàtiñu ra ma tichi ku'u, tàchi ra itu, tuya'a, nduti chi'in tia ndatiñu ña chàchi ra ma ve'e ra. Ta kuenda chaa ra nuu jàtiñu ra iyo yi ña kaka ra chandee ta'an, ti ji'na iyo yi ña ya'a ra iin



chata kuente nuu kuta'an iin karruni, ta ma ndaa xuu yi ya'a iin yuvi vali ta yu'u ma yuvi vali ndoyo yuu na'nu. Ta kono yi kua iin ve'e uni piso ti xa'va iyo ma yu'u yi.



Yakan va kētachiyo ra ma kuente ali ikan, ndasii' ta'an kuuni ra ti töve yu'u yi. Ta ña yà'a ra ma kuente ali, ìyo yi ña kaka ra tia nda kati keta ra iin ñuu ali, ta ikan kì'in ra iin iti nuu tüva kuu ki'vi karru, ta kaka ra iin u'un minutu nia ta chaa ra ma nuu kàa ma ndatiñu ra.



Ta yakan chànnini ri, va ma ora kī'vini ri ma nuu kuente kēta iin karru ka'nu ma nuu ri, ta yu'vi ri kua yu'vi ma ñivi ora ndè'e ndia ni'na. Ta kūyati jaxiin ri ri, va nī ki'in va'a ri ku'va nuu ndava ri ta endee yà'a ma cha'a ri, ta kōyo ri nda ninuu jukutu chata iin ma yuu ka'nu, va ma kuati kuu yi ña kōyo ri chi'in xini ri, ta endee ndāta ma xini ri kua ndāta ma ña'mi ora ti'yo vu. Ta ikani ndi'i nuu ri.

ri kà'an ri: “A ya'a tiu kini kùu yi ña töva ma chito'o yo, ñta na ja'a yo vititin ña kàa yi te'en?, ti ya'a cha ka'nu savi vachi. iVa na iti na iti kīcho!”.


Ta yakan kā'an ri, ta kani'i ri ma xini ri, ta ikan ndē'e ri ma iti. Ta kīcha'a ri kà'an ri: “Chaa na kuuni yi, cha na kuuni yi, iti ikan kuu yi, endee kunu yo ko'o antea ña koyo ka'nu savi chata yo”.

Ta kēe ri kuà'an ri, ta chìnri ta chìnri, kua chinu ma ndiakuati ora cha ini kuà'an ndia jakuela. Ta ma ora ndē'e ri ma kuente ali kuchisii ri kua chisii iin ma ra vali ora nde'e ra iin paleta.

Ta ma ora ikani koyo ma savi ka'nu ma chata ri ta te'en nāka'an ri: “iChani chaa yo! iChani chaa yo! iIta'vinia! iIta'vinia! Va töva kuu nde'i ja'a ma savi i'ya, ya'a ka'nu ra kùun. Kueeni, kueeni ko'o ti ya'a kini kàa ma kuente ali i'ya, koto juuni kaani iin nikuyi ta'an yo”.

Ta ma Tovi takua ja kua kua'nu ri nduva'a ña ndee ri, ta yakan jà'a ña nduva'a kuuni ri ku'un ri te'en tikan. Va iyo iin ma ña nduva'a kùuni ri ta yakan kuu ña ku'un ri chata ma chito'o ri nuu jàtiñu ra, ti te'en chànini ri: “Yu'u kà'in ti nduva'a vii kàa ma nuu chà'an ma chito'i chàjatiñu ra. Kùuni ku'in ma chata ra”.

Ta ora chànini ri ma takan kīcha'a ri tandikun ri ma chata ra va ora ndè'e ra ri, töve chā'a ra ku'un ri chata ra ta te'en kà'an ra chi'in ri: “iÑa kichiun chatai, ti juuni ya'a aliun, ta koto kuanaun!”.



Ta ora kā'an ra ma takan nduva'a kusitini ri, ta endee nda'vi kuuni ri chaa ndiko ri ma nuu ìyo ri.

Va chāa iin kivi ña nī nde'e ra kuà'an ri ma chata ra kueeni kueeni kuà'an ri, ta kà'an ri te'en: "Kueeni kueeni ko'o koto ku'va ra kuenda ta kuxaan ndiko ra nuu yo".



Ta takan chāa ri ma nuu jàtiñu ma chito'o ri, ta ora ndē'e ri ma ikan te'en nāka'an ri: "¡Ajaaan! ¡A te'en kàa ma i'ya! Viiga kàa yi ta kua chànini niku, ko'o kuande'o niyi kuu nata'an yo".

Ta kīcha'a ri chìnri chata likoo, ndava ri te'en tikan, ta kī'vi ri iin nuu kàa

kua'a' yutun, nda kati kēta ri iin yuvi vali. Ta ikan kīcha'a ri chàsiki ri chi'in ma takuii. Ta chīti ri, ta takan kūu ta nī chito ri ya'a ma kivi ikan. Va ma ora kīcha'a chutatu ri chūndaa ri nde'e ri ninii ma ikan ta chā'a ri kuenda ña ni koyo iin savi ka'nu, ta te'en nāka'an ri: "¡Na ku'un kio nuu ndaa chito'o yo!, koto ja'a ra ku'un ra, ta ña na nī'i ga yo iti ko'o".

Ta takan kà'an ri, ta endee chìnri kee ri ma nuu ndaa ri ta chāa ri ma nuu kàa ndatiñu ra, ta kīcha'a ri ki'in xiko ri, ki'in xiko ri ninii ma nuu kàa itu, ña nànduku ri ra. Va töve nī nata'an ri ra, ta te'en kīcha'a

